



Pengenalan kepada Projek KAMI

Keberlanjutan sAwit Malaysia dan Indonesia

Rasional Projek

Memperkukuhkan dialog antara komuniti pengeluar dan pengguna dalam usaha ke arah pengeluaran minyak sawit yang mampan

Projek KAMI berusaha untuk memberi sokongan pada masa yang sesuai untuk dialog polisi yang lebih kukuh dan konstruktif antara pihak-pihak berkepentingan yang relevan di Kesatuan Eropah (EU), Malaysia dan Indonesia mengenai kelestarian rantaian nilai minyak sawit.

Untuk tujuan itu, KAMI berusaha untuk menyokong proses pelbagai pihak berkepentingan untuk berkongsi maklumat objektif mengenai penggunaan sumber asli pada skala, secara lestari dengan tumpuan khusus kepada minyak sawit, lantas memberikan maklumat tepat yang boleh digunakan oleh pelaku pasaran dalam menentukan pilihan sumber mereka. Ini akan membantu membina kepercayaan di pasaran, termasuk rantaian bekalan di luar yang diperakui, di mana sebilangan besar pekebun kecil mungkin kekal untuk beberapa waktu.

Mengambil pengajaran dari inisiatif *Terpercaya* yang sedang dilaksanakan di Indonesia, dikendalikan oleh EFI dan rakan-rakan kongsi mereka (lihat petak di bawah); projek KAMI ingin mewujudkan satu sistem pemantauan peringkat subnasional berdasarkan Petunjuk dan Pengesah Prestasi Kelestarian (SPIV) yang dipersetujui antara EU, Malaysia dan Indonesia. Pendekatan subnasional, atau menurut bidang kuasa, menempatkan pemerintah daerah di kemudi, memberikan insentif dan tanggungjawab kepada mereka untuk bekerjasama dengan para pemain-pemain utama seperti agribisnis, kelompok petani, masyarakat sivil dan rakan-rakan kongsi antarabangsa untuk meningkatkan kelestarian seluruh lanskap.

Dengan mendorong semua pihak berkepentingan, termasuk pekebun kecil dan pemain pertengahan untuk memperkukuh dan mempamerkan pendekatan lestari yang lebih baik berdasarkan SDG dan kepatuhan kepada undang-undang serta keadaan nasional, kemajuan dalam mencapai objektif dasar dan objektif berkaitan pasaran. Dalam konteks

minyak kelapa sawit, bekerja di peringkat subnasional mencerminkan dan menyokong kerjasama erat dan perkongsian faedah sesama kilang, ladang-ladang dan pekebun kecil.

Dari sudut yang lebih praktikal, usaha di peringkat subnasional juga dapat mengurangkan kos pensijilan bagi pekebun kecil dan pengusaha bersaiz sederhana, serta meningkatkan akses pekebun kecil ke pasaran minyak sawit lestari, dengan itu membantu meratakan jurang persaingan.

Konteks dan aspirasi KAMI

Dengan mengukuhkan kemajuan di negara-negara pengeluar komoditi dan usaha dengan pendekatan maklumat objektif, KAMI bertujuan untuk menyokong dialog dasar yang menyokong peralihan ke pengeluaran dan perdagangan komoditi pertanian secara lestari.

Konteks

- Negara-negara pengeluar mempunyai kerangka undang-undang dan pensijilan, yang wujud bersama dengan pendekatan sukarela.
- Kemajuan objektif telah ditunjukkan berkaitan dengan ketelusan dan pengurangan penyahhutan.
- Dialog diteruskan dengan pihak-pihak yang ingin mencapai kemajuan yang pantas dan mampan, berdasarkan penyelesaian yang pragmatik dan inklusif.

Aspirasi bersama

- Untuk meningkatkan pemahaman teknikal bagi memudahkan dialog-dialog dasar, membina kepercayaan serta kesefahaman. Mesej bersama kemudian boleh dikongsi ke forum yang relevan.
- Untuk mempengaruhi pendekatan yang sedia ada untuk menilai dan menunjukkan kelestarian dengan lebih baik, tanpa meninggalkan sesiapa pun, dan bukan melalui pendekatan selari.
- Menghormati norma dan pendirian, membina bukti bersama, dalam bahasa yang saling difahami.
- Untuk membantu menyalurkan sumber untuk menyokong kelestarian di mana paling diperlukan dan berkesan.
- Untuk mengenal pasti, menjelaskan, mempamerkan dan menguatkan kisah kejayaan melalui komunikasi bersama.

Latarbelakang projek

Di Indonesia, KAMI menyokong *Terpercaya*, sebuah inisiatif yang diterajui oleh Bappenas dan EU; dengan EFI dan Inobu sebagai rakan pelaksana. Inisiatif *Terpercaya* bermula pada tahun 2018 dan menyokong dialog pelbagai pihak dan pemantauan kelestarian di peringkat daerah dan kebolehejakan minyak sawit. Inisiatif *Terpercaya* mengambil pengajaran dari program-program yang dilaksanakan sebelumnya, termasuk FLEGT VPA, REDD+ dan pendekatan bidang kuasa lestari dan mempengaruhi dialog dasar EU-Indonesia mengenai kelestarian dan perdagangan.

Inisiatif *Terpercaya* mematuhi beberapa prinsip untuk menangani isu-isu utama dalam mewujudkan sistem inklusif untuk memantau kelestarian di daerah dan menjejaki minyak sawit lestari:

- **Kesahan:** petunjuk bersesuaian dengan kerangka undang-undang dan dasar Indonesia.
- **Kesahihan:** Pemantauan objektif berdasarkan perundingan pihak berkepentingan dan menggunakan data yang tersedia, objektif dan dapat disahkan melalui peneliti bebas.
- **Skala:** Merangkumi semua bidang kuasa, pengeluar dan jenis hutan.
- **Faedah bersama:** sejajar dengan SDG dan NDC.
- **Sokongan:** pendekatan berperingkat untuk mendorong kemajuan.
- **Pelengkap:** melengkapkan pensijilan berasaskan produk

Objektif KAMI

Untuk mengukuhkan perkongsian antara EU-Malaysia dan EU-Indonesia dengan menyokong proses nasional dan dialog antarabangsa tentang penggunaan sumber asli secara lestari, dengan fokus pada minyak sawit.

Projek ini akan dijalankan selama tiga tahun dari 2020-2023 dengan pembiayaan EU sebanyak €4.5 juta.

Fokus projek

Pendekatan projek ini adalah untuk memperkukuh dan menjelaskan pengurusan sumber asli secara lestari, khususnya dalam bidang kuasa / negeri / daerah pengeluar minyak sawit, dan dengan itu menyumbang kepada objektif bersama EU dan dua rakan utama di Asia Tenggara, melalui:

1. Menyokong **dialog-dialog dasar yang muncul antara pihak berkepentingan yang relevan di EU, Malaysia dan Indonesia mengenai kelestarian** rantaian nilai minyak sawit;
2. Memberikan **bantuan teknikal** untuk meningkatkan platform dan inisiatif negara-negara rakan kongsi ke arah peningkatan kelestarian rantaian nilai minyak sawit;
3. Menyokong **komunikasi dan penyebaran maklumat berkaitan dialog dasar** dan pencapaian projek.

Rakan kongsi

- Kesatuan Eropah (EU) - Rakan dialog dan pendanaan
- Kementerian Perencanaan Pembangunan Nasional / Bappenas (Direktorat Pangan dan Pertanian), Indonesia - Rakan dialog
- Kementerian Perusahaan Perladangan dan Komoditi, Malaysia - Rakan dialog
- Majlis Pensijilan Minyak Sawit Malaysia (MPOCC) - Rakan pelaksana
- Lembaga Minyak Sawit Malaysia (MPOB) - Rakan pelaksana
- European Forest Institute (EFI) - Rakan pelaksana
- CIFOR - ICRAF - Rakan pelaksana

Potensi sumbangan KAMI

- Dialog dasar yang lebih baik antara pihak berkepentingan yang relevan di EU, Malaysia dan Indonesia mengenai kelestarian minyak sawit.
- Pelaksanaan definisi kelestarian yang jelas dan persetujuan cara untuk menjejak dan berkongsi perkembangan.
- Pembezaan produk yang lebih jelas di pasaran global.
- Peningkatan kebolehlihatan dan ketelusan di pasaran, maklumat disalurkan untuk memudahkan-penelitian mendalam oleh para pengendali pasaran.
- Mendorong kerajaan negeri/ daerah ke arah pencapaian Matlamat Pembangunan Lestari (SDGs).
- Semua pihak berkepentingan dan semua komoditi diangkat melalui akses ke pasaran untuk produk yang lestari dan tidak melibatkan penyahutan.

Gambar muka hadapan: Ladang kelapa sawit di pinggir hutan hujan tropika, Indonesia.

Kredit gambar: Richard Whitcombe

Penafian. Terbitan ini dihasilkan dengan sokongan Kesatuan Eropah. Kandungan terbitan ini adalah tanggungjawab KAMI sepenuhnya dan sama sekali tidak boleh dianggap sebagai pendirian organisasi pendanaan.

© KAMI, Oktober 2021

KAMI Keberlanjutan sAwit Malaysia dan Indonesia
Sustainability of Malaysian and Indonesian palm oil

